



«Nus avain empermess da scriver ina brev a signur Adam Quadroni», di Mario Cavigelli.

FOTO OLIVIA AEBLI-ITEM

«Schebain i dat ina perstgisa è anc avert»

Mardi ha la regenza grischuna gì sia davosa sesida avant las vacanzas da stad. Mario Cavigelli ha respondi a la FMR las dumondas davart trais temas actuals: Quadroni, proporz e trilinguitad.

MARTIN GABRIEL/FMR

FMR: *Il tema dals temas da las davosas emnas: Adam Quadroni! Mario Cavigelli, la regenza ha deplorà publicamain quai ch'è succedì cun Adam Quadroni. Co va quai vinavant?*

Mario Cavigelli: Uss ha la Regenza ina giada fatg lavur da scleriment en connex cun l'istorgia dal cartel en l'Engiadina Bassa ed el sectur da cuvrida. Nus avain er elavurà l'entira chaussa da las relaziuns tranter il Chantun ed ils impressaris pertutgads. Da l'autra vart è sa

ferentas varts a l'adressa dal Chantun – nus essan pertscherts da questas aspetativas.

Ed ussa?

Nus avain empermess da scriver ina brev a signur Adam Quadroni. Nus vegnin a proponer ad el ina sesida communabla per discussiunar e per survegnir in'idea tge che Adam Quadroni sez spetga «el cas dils cas» dal Chantun. Enfin qua han ils contacts cun Adam Quadroni gì lieu via medias u terzas persunas. Quai vulessan nus midar cun entrar en discurs cun el.

Vus sa perstgisais, dentant plitost en ina sesida cun Quadroni?

Schebain i dat ina perstgisa è anc avert. Dal sectur da construcziun hai tenor mes savair dà naginas renfatschas directas quai che pertutga mes departament. En connex cun la fermanza entras la polizia ni auters temas datti anc dumondas e proceduras avertas. Pia, èsi oz memia baud da dir co la Regenza vegn a proceder en chaussa d'ina indemniziun u perstgisa.

In auter tema che chaschuna grondas midadas en noss chantun è il sistem d'eleger il Cussegl grond l'onn 2022. Il suveran ha decidì ils 13 da zercladur 2021 a favur dil sistem dil proporz. Tgenins èn ils proxims pass per la realisaziun la primavaira 2022?

La regenza ha ina impurtanta incumbensa, numnadamain da preparar l'entira procedura d'elecziun a basa da la nova lescha. Nus tschentain damai las stgomias per instruir las persunas che han d'exequir il nov sistem d'eleger. Latiers appartegnan er las vischnancas. Plinavant datti infurmaziuns detagliadas per votantas e votants. In outra gronda sfida è

d'avair pronta l'informatica neccessaria aifer quest curt temp. Qua è la Chanzlia chantunala e cun ella la Regenza sut in grond squitsch da prestaziun.

«I na tanscha betg pli da constatar che prest tuts san tudestg en il Grischun.»

Il terz chavazzin tar ils temas currents tar la Regenza èn las mesiras approvadas areguard la trilinguitad en l'administraziun chantunala. La trilinguitad chantunala duai vegnir intensivada tenor las mesiras approvadas da la Regenza. La dumonda è cura e co?

Nus essan londervi da realisar las mesiras. Per la Regenza è la trilinguitad grischuna in duair liant suenter l'approvaziun dal catalog da mesiras. I na tanscha betg pli da constatar che prest tuts san tudestg en il Grischun. I na dat betg mo trais linguas chantunalas, i dat er trais culturas en noss chantun e quella ritgezza vulain nus tgirar meglier cun satisfar als basegns. Er quest tema vegn ad occupar nus vinavant suenter las vacanzas da stad.

chapescha il tema pertutgant Adam Quadroni sco persuna involvada en connex cun l'agir da differentas instanzas chantunalas e comunalas. Tranter auter er la fermanza entras la polizia dal 2017. Per mai èn quai ulteriurs aspects ch'ins sto dentant tractar dapersai. En chaussa Adam Quadroni datti spetgas da dif-